

girt werden / das ist vnlaugbar / vnnnd bedarff nicht viel beweifens / sondern die tägliche Experiens stellet öffentlich an hellen Tag / vnd ist die lautere durre Wahrheit / welcher niemand / nisi profligatę impietatis & incredulitatis Homo, widersprechen mag. Vnnd ob gleichwol dieser edlen thewren Kunst viel Spötter vnd Weltkin der vbel nachreden / dieselbe verspotten / verhönen vnnnd verlachen auch derselben Filios vnd Zugethane scabiosę exagitirn vnnnd empfangen / so bleibt doch ipsissima VERITAS huius Artis, wie es die tägliche Erfahrung bezeuget / vnd muß bleiben biß ans End der Welt: Vnd wann gleich der Låsterer / Calumnianten vnnnd Bersolger noch so viel weren / so erwecket doch der liebe Gott desto mehr trefflichere Heroische Ingenia, die solchem hohen Gnadenschaz in der Forcht des Herrn nachgehen / vertheydigen / vnd befördern helfen / damit solche thewre Kunst vor dem jüngsten Tag nur desto heller vnd klärer widerumb an tag gebracht werde / vnnnd die Gottlose / verruchte / blinde / lunatische / tolle Welt dort an jenę tag irer verachtung vnd Unwissenheit halben keine Entschuldigung bey zu bringen vermöge. Die weil aber / Allergnädigster Keyser vnnnd HERR / nun auch ein gute geraume Zeit hero viel fürtreffliche hochgelehrte Leut dieser Spagyrischen Kunst mit fleiß nachgesezt / öffentlich vnnnd schriftlich sie commendirt, gerühmet vnd hoch gepriesen / wegen ihres hohen trefflichen Nuzes in der Medicin, vnd cura morborum, die Transmutation der Metallen zu geschweigen: Wie dan fürnemblich die hoch verständige vnnnd wol erfahrne Männer Cunradus Chunradi, P. M. vnnnd Ioachimus Tanckius, beyde Leyphische D. D. Medicinæ, ganz wol sich vmb diese edle Kunst verdient / ire Veritatem, Antiquitatem vñ Vtilitatem, mit trefflichen Cōmendation vñ andern Schrifften / in Publicirung vieler guter außersesener Chymische Büchlein / Bernhardi vñ ander fürtrefflicher Philosophen, wie auch Johań Thölde / Hassus Burger zu Franckenhausen / in dē er die außbündige Tractatus Fr. Basilii Valentini, Benedictē Ordens / an tag gegeben / vber alle massen herauß

herauß